



14
1544
2



14  
1544  
2

中國通商

# 華陽國志

重刊華陽國志敘

古者封建五等諸侯國皆有史以記事李本作後世罷封

建為郡縣然亦必有圖志以具述蓋以疆原訛域既殊

風俗各異山川有險要阨塞之當備郡邑有廢置割

隸之不常至於一士之行一民之謠皆有不可殫者

顧非筆之於書則不能也周官職方氏掌天下之地

圖辨其邦國都鄙夷蠻閩貊五戎六狄之人民與其

財用之數要至於九穀之所宜六畜之所產亦未常

李本不佔畢而紀其詳况夫環數千里之陞分城置邑

殆踰數十中間時異事變往往裂為偏方霸國其理

重刊華陽國志

重刊華陽國志

華陽國志  
亂得失蓋有繫天下大數安可使放絕而無聞辱此  
晉常璩華陽國志之作所以有補於史家者流也予  
嘗攷其書部分區別各有條理其指歸有三焉首述  
巴蜀漢中南中之風土次列公孫述劉二牧蜀二主  
之興廢及晉大劉李本並作太康之混一以迄於特雄壽勢之  
僭竊繼之以兩漢以來先後賢人梁益寧三州士女  
總讚序志終焉就其三者之間於一方人物尤致深  
意雖侏離之氓賤俚之婦苟有可取在所不棄此尤  
足以宏宣風教使善惡知所懲勸豈但屑屑於山川  
物產以資廣見異聞而已乎

本朝元豐間呂汲公守成都嘗刊

劉李本作刻

是書以廣其

傳而載禊荒忽利缺愈多觀者莫曉所謂予每患此

久矣假守臨邛官居有暇蓋嘗博

李本作博下同

訪善本以證

其誤而莫之或得因撫兩漢史陳壽蜀書益部耆舊

傳互相參訂以決所疑凡一事而先後失序本末舛

逆者則考而正之一意而詞旨重複句讀錯雜者則

刊而去之設或字誤而文理明白者則因而全之其

它旁搜遠取求通于

李本作於

義者又非一端凡此皆有明

驗可信不

李本有可字

誣者若其無所考據則亦不敢臆決

姑闕之以俟能者然較以舊本之訛謬大畧十得五

華陽國志 卷之四 李序  
六矣。銀木既具，輒敘所以冠於李本篇首。好古博雅，與我同志者，願無以夏五郭公之義而律之。嘉泰寧宗甲子年季夏朔，眉丹稜李丞叔廩甫謹序。李本作誤



華陽國志後序

華陽國志十二卷，晉常璩道將所撰也。璩仕晉為散騎常侍，平生著作有漢之書、蜀平紀、蜀漢故事三書。散逸所傳，僅此藏書家亦不多得。茲編舊錄，間有疑誤，嘗參互考訂，稽之范史列傳，并注中所引，幸獲什一闕者，仍舊。久藏笥中，獻之郡齋，受命校正。爰畀梓人，謹申言于後。曰：道將故江原人，以蜀人談蜀事，其言之親切固宜。及觀紀李氏之亂，媿媿不厭，其有隱憂乎？可深長思矣。按序述體裁，依仿遷史，至列先賢目錄，復彷彿靖節四八目。或者晉人文字類然，非相

華陽國志卷之十一 劉子  
假借爾其自敘曰華陽國記後人易記為志惟以郡  
乘目之不知直欲追古作者立一家言雄視百世肇  
自開闢終晉永和其間王道霸畧炳若丹青駿功鴻  
伐懸諸日月四子講德五袴興謠清芬襲人勛庸照  
世江漢炳靈世載其英仰止思齊流聲實於兩間作  
楷樞於百代修文翁文講武侯武安內攘外美哉成  
蹟具在也或曰璩志云國必有史表成著敗以明勸  
懲案而索之奸雄竊命禪受假名何以為勸秉義弗  
祚特流並稱何以示懲元德帝胄英名蓋世何謂名  
微受詔討賊名正言順何以書殺去許奔徐意在安

劉何以書叛孔明王佐乃詆以宋襄求霸雲長大節  
顧誣以乞納宜祿妻至操擊先主書征髦弒於昭書  
卒凡此大綱闕繫非細準以春秋之法未免舛駁之  
譏夫秉公心者無類具朗鑒者無疑承祚心銜宿憾  
口肆醜辭將以疵蜀佐魏百世之下公論可詎掩乎  
璩采獲壽書擇之不精墮於疑網此作者之瑕疵致  
識者之指點君子攷古論世懸鑑以照物執衡以取  
裁雌黃皂白孰從而匿之歐陽子曰後世苟不公至  
今無聖賢自公論出而良知不昧是非始定君子所  
恃以不恐矣鄉也愚過導江登青城山望白雲谿山

華陽國志 卷之四 蜀志  
川之奇乃生異人璩苦心著述世傳其書郡志逸其名惜矣士有抱獨行於當年俟知己於異世發潛德之幽光攬遺文於蠹簡重可為永歎也書成敬述所聞就正有道甲子仲春成都後學劉大昌謹書

重刻華陽國志序

始余宦遊蜀中考古覽勝瞻依禮殿徘徊卜肆登文翁講堂訪子雲元亭風烈猶存慨然竊鄉慕久之壬戌歲剖符西土景行先哲博徵文獻政餘談及是書鮮有知者乃劉子出家歲一帙視之因託之校正謀諸同知溫子訓推官宋子守約將梓傳焉夫璩本蜀人罹蜀險艱憤諸李僭亂爰本蜀漢紀南裔志耆舊傳諸籍勒成此書此其志自儼良史其文古其事核其意深遠可謂晉之乘蜀之檇杙蓋自信傳後無疑矣在宋呂汲公守成都李叔廩守臨邛嘗刻之歷世



華陽國志序  
四  
縣邈士人罕見茲編行海內流觀無勞傳寫亦文苑  
之嘉話也昔中郎秘帳隱論衡辯才鑿楹歲楔帖天  
下公器淺中狹度久矣貽誦后人也稽於衆徵協恭  
之誼傳於人慰同好之心傳於遠聞作者之意一舉  
而衆美集君子是以樂觀厥成已三閱月梓人告成  
事漫書數語以引簡端以紀歲月云爾明嘉靖甲子  
歲季春朔賜同進士出身中憲大夫知成都府事前  
南京吏部稽勲司郎中昆明後學楊經謹序

重刻華陽國志序

余鄙拙無似出守成都自分無補地方維茲勝境號  
稱天府訪古尋幽於夙志頗愜而徵文考獻亦長吏  
者事政暇時時取蜀乘披閱之惜其文錯出不雅馴  
後乃得晉常道將所著華陽國志讀之其文古其事  
核其義例深嚴足備勸懲昭法戒駁良史才也蓋  
道將生長蜀國多事之秋日擊諸李之僭亂有憤心  
焉其元本蠶魚推崇昭烈搜括巴漢風土之詳良士  
賢女之懿爍勒之編簡井井有條而論讚所垂往往  
詳畧得體殆非苟作者即質之周官職方氏所掌不

如何如而以較於蜀檇杙南裔志者舊傳諸籍或亦可稱備所未備矣雖然山川如故建置代殊風會日流江河莫返繇唐宋以暨昭代金碧割隸於滇池鄔襄分屬於荆郢梁庸別籍於闕隴其間機宜品局已非復漢晉之舊然而廩君之雄米斗之妖巴苴之釁碧血之慘在在有之身世道之責者不免拊劔閣而憂切望瞿巫而心凜如李青蓮之謔蜀道云所守或匪親化為豺與狼而杜少陵寓蜀最久發為吟咏非致警於西山寇盜則感懷於雲安杜鵑其亦與道將之意義互相發明乎璩之言曰防狂狡杜奸萌以崇

春秋敗絕之道而顯賢能著治亂亦以為獎勸也數語其蔽全書之旨矣且江漢炳靈井絡垂芒風醇俗厚所云巴則有先民之流蜀則君子精敏小人鬼黠蓋已隱隱寄慨焉若乃譎變叢生民萌轉促金矢不勝其讞決井里不救於蕭條斯亦長民者之責也蓋坤維之應不患斑彩之不盛正懼文已盛而質盡漓精爽之揚不患物產之不饒正懼用物多而生趣薄則夫拊循嘔噢保釐西南俾蠶魚昭烈之壤不終為奸雄僭竊之所覬覦而小民猶得保其旨酒嘉穀之養遂其好古樂道之風者豈伊異人任哉豈伊異人

任哉嗟嗟今昔之流易雖不盡同而理亂之倚伏未始或異藉令當斯世而有文翁武侯其人者能舉全蜀之士民而甄陶衽席之即謂古道至今存可也余之校讐是書而付之剞劂也豈僅僅以山川物產之奇麗備掌故者之採擇已邪工竟次第其語以為重刻華陽國志序時天啓六年丙寅歲孟春之吉古繁姑孰李一公撰

重刻華陽國志序

天啓丙寅余奉璽書恤蜀抵成都成都守李公重鉞華陽國志屬余敘余曰公敘已悉余何言亡已則絕厥指爾晉常道將之述此志也其有春秋之思乎華陽黑水禹貢為梁漢武更為益梁言其強益言其扼戕劍岬霄江峽巔雷坤宮上游其氣鬱幽嘗稽兩漢史陳壽蜀書益部者舊傳古今集記蜀檮杌歷世割據之既變蠻獠叛服中國戎索羈縻得失大氏無百年無事豈非岨塞足憑物力足怙聲名文物雖埒鄒魯而番夷碉砦錯雜嗜亂喜禍微風之搖輒生心乎道

將生逢不若傷三州傾墜生民殲盡著為此志述巴  
蜀漢南述公孫述劉二牧述大同述李特雄期壽勢  
述先賢士女後賢鄭子稱志昉爾雅貴詳事實劉子  
稱表徵盛衰殷監興廢洵兼之矣至云千運犯厯破  
家喪國狂狡姦萌敗絕之道一志之中三致意焉其  
有春秋之思乎我明御紀蜀亦屢蠹弗靖如載壽彭  
趙藍駱張焦薛蔡洎應龍動煩勦盪越茲蘭賊屠渝  
圍省燼灰城戍度劉黔赤奉天被遐震秉鉞運籌持  
谷借箸藩臬連帥一乃心力以克龕定不然西南之  
憂伊于胡底今駢喙雖聾蝟蟻尚繁牛角觝根恐有

橫發其亡其亡劑雷其方醫用其良所為綢繆蘊崇  
以除牙孽而清荒憬正煩貯思道將云牧后失圖英  
雄迭進又云柔遠能邇實須才良此今日醫蜀之急  
劑矣李公介嚴靖肅孳孳播民之和懲必銷弭心同  
道將爰錄此志可謂政先其大者假令繪成都賢守  
像於大慈寺閣乎文翁張君游第五伯魚廉叔度  
諸公之後當繪李公一像也欽差四川恤刑刑部貴  
州清吏司主事甬東范汝梓撰

華陽國志附錄

晉書李勢載記大司馬桓温率水軍伐勢至成都城下縱火燒其大城諸門勢眾惶懼無復固志其中書監王嘏散騎常侍常璩等勸勢降崔鴻十六國春秋蜀錄常璩字道將蜀成都人少好學著華陽國志十篇序開闢以來迄於李勢皆有條理云

隋書經籍志史霸史漢之書十卷常璩撰華陽國志十二卷常璩撰梁有蜀平記十卷蜀漢偽官故事一卷七

此頁文字極其模糊，似有殘存之書影或極淡之墨迹，但無法辨認其具體內容。

古今正史十六國春秋篇蜀初號曰成後改稱漢李勢散騎常璩撰漢書十卷後入晉秘閣改為蜀李書璩又撰華陽國志具記李氏興滅舊唐書經籍志乙部史錄偽史類華陽國志三卷常璩撰蜀李書九卷常璩撰

唐書藝文志乙部史錄偽史類常璩華陽國志十三卷又漢之書十卷蜀李書九卷

宋史藝文志史類別史類常璩華陽國志十卷霸史類常璩華陽國志十二卷

晁公武郡齋讀書志史部偽史類華陽國志十

二卷晉常璩撰華陽梁州地也紀漢以來巴蜀人物呂微仲跋云漢至晉初四百載間士女可書四百人亦可謂盛矣復自晉至周顯德僅七百歲而史所紀者無幾人忠魂義骨與塵埃同沒何可勝數豈不重可歎哉

鄭樵通志藝文畧史類霸史華陽國志十二卷晉常璩撰以巴漢風俗及公孫以後據蜀者各為之志漢志書十卷常璩撰蜀李書九卷

陳振孫直齋書錄解題雜史類華陽國志二十卷晉散騎常侍蜀郡常璩道將撰志巴蜀地理

華陽國志 附錄  
風俗人物及公孫述劉焉劉璋先後主以及李  
特等事迹末卷為序志云肇自開闢終乎永和

三年

原註劉璋  
乃焉之子

王應麟玉海藝文雜史唐藝文志乙部史錄其  
類十三三曰偽史類華陽國志至三十國春秋  
一十七家二十七部五百四十二卷

馬端臨文獻通考經籍考史偽史霸史華陽國

志十二卷

一作二  
十卷

劉知幾史通雜述篇史氏流別殊途並鶩摧而  
為論其流有十焉九曰地理書九州土宇萬國

山川物產殊宜風化異俗如各志其本國足以  
明此一方若盛宏之荊州記常璩華陽國志辛  
氏三秦羅含湘中此之謂地理書者也

楊慎丹鉛錄卷二地志曰地志諸家予獨愛常  
璩華陽國志次之則盛宏之荊州記

焦竑國史經籍志史類霸史華陽國志十二卷  
晉常璩漢書十卷常璩蜀李書九卷

陶珽重輯說郛弓第五十八西州後賢志常璩  
梓潼士女志常璩漢中士女志常璩

歲庚午還淳方朴山先生主徽州紫陽書院講

席言華陽國志有足本令瑤田求索於歛之藏書家而不可得也今於京師見之而吾友丁小山與陳竹厂諸君廣求宋明以來諸刻互相校勘成此善本余借讀之卒業因跋數言於簡末以歸小山惜朴山先生不及見也乾隆戊戌七月朔歛浦程瑤田

華陽國志十二卷較俗本多卷十上中二卷蓋書賈僅知挨次卷數刊刻未審第十卷內復分上中下三卷耳是本蘇郡朱文游所藏有惠氏鈐印為紅豆齋舊物乾隆戊戌仲秋金榜并識

此本得之丁小山為從來未見之足本新安程晉芳魚門書以相聞較之漢魏叢書幾多至一半攷校精詳博雅典覈小山以余蜀人此志為蜀諸志之祖割愛以貽余合諸志參之益深服膺因梓而行之其偏傍字畫悉照丹稜李氏宋本不妄改一字有與諸刻不合者則分注於下至各家刻華陽國志體例各不同究以李叔履為定本故卷首仍用李序以各序附於卷末云乾隆辛丑十一月中浣綿州李調元雨村識於直隸通水道署之心如水齋



華陽國志引

先王之制自二十五家之間書其恭敏任恤等而上  
 之或月書其學行或歲考其道德故民之賢能衰惡  
 其吏無不與知之者焉漢魏以還井地廢而王政闕  
 然猶時有所考察旌勸而州都中正之職尚修  
劉李本作缺  
李本作倫於羣劉李本作郡國鄉閭士女之行多見於史官隋唐急  
 事緩政此制遂廢而不舉潛德隱行非野史紀述則  
 悉無見於時民日益漓劉本作教俗日益卑此有志之士  
 所為歎惜也晉常璩作華陽國志於一方人物丁寧  
 反覆如恐有遺雖蠻髦之民井白之婦苟有可紀皆

著於書且云得之陳壽所為者舊傳按壽嘗為郡中正故能著述若此之詳自先漢至晉初踰四百歲士女可書者四百人亦可謂眾矣復至劉李本晉初至于劉李本周顯德僅七百歲而史無史字所紀者無幾人忠魂義骨與塵埃野馬同沒於邱原者蓋亦多矣豈不重可歎惜哉此書雖繁富不及承祚之精微然議論忠篤樂道人之善蜀記之可觀末劉李本有過於此者劉李本鏤行於劉李本世庶有益於風教云下劉李本作宋呂大防撰劉本在前  
序宋元豐戊申秋日呂大防微仲撰

華陽國志目錄

- 第一 巴志
- 第二 漢中志
- 第三 蜀志
- 第四 南中志
- 第五 公孫述劉二牧志
- 第六 劉先主志
- 第七 劉後主志
- 第八 大同志
- 第九 李特雄壽勢志

華陽國志目錄

第十

先賢士女

吳本作漢中士女何本作漢中士女志梓潼士女志

總讚

第十一

後賢志

第十二

序志并

吳本無并字何本作序志序志後語

益梁寧三州先漢

以來士女名目錄

吳本無此三字劉吳本無此目

乾隆四十六年辛丑十一月朔綿州李調元雨村校定宋本

華陽國志卷一

晉散騎常侍蜀郡常璩道將撰

宋丹稜李至極刊本

綿州李調元贊菴校定

巴志

昔在唐堯洪水滔天鯀功無成聖禹嗣興導江疏河

百川蠲脩

劉李本作修

封殖天下因古九圍以置九州仰稟

參伐

代

俯壤華陽黑水江漢為梁州厥土青黎厥田

惟下上厥賦惟下中厥貢璆鐵銀鏤砮磬熊羆狐狸

織皮於是四與

惠校改陳

既宅九州攸同六府孔修庶土交

正底

何李本作底

春

原缺一筆李本作春惠校改春

財賦成貢中國蓋時雍之化

東被西漸

何本作漸

矣歷夏殷周九州牧伯率職周文為伯

西有九國及武王克商并徐合青省梁合雍而職方

氏猶掌其地辨其土壤甄其寶惠校利起于李本秦帝漢

興高祖藉之成業乃改雍曰涼華梁曰益故巴漢庸

蜀屬益州至魏咸熙元年平蜀始分益州巴漢七郡

置梁州治漢中以相國參軍中山耿輔為刺史一下李本提行

惠校連之何本連書後飲此元康六年廣漢益州更割雍州之武都

陰平荊州之新城上庸魏興以屬焉凡統郡一十一

縣五十八洛書曰人皇始出繼地皇之後兄弟九人

分理九州為九囿人皇居中州制八輔華陽之壤界

岷之域是其一囿囿中之國則巴蜀矣其分野與鬼

東井其君上世未聞五帝以來黃帝高陽之支庶世

為侯伯及禹治水命州巴蜀以屬梁州禹娶於塗山

辛壬癸甲而去生子啓呱呱啼不及視三過其門而

不入室務在救時今江州塗山是也帝禹之廟銘存

焉會諸侯於會稽李本執王帛者萬國巴蜀往焉周武

王伐紂實得巴蜀之師著乎尚書巴師勇銳歌舞以

凌殷人倒戈故世稱之曰武王伐紂前歌後舞也武

王既克殷以何本亦作以或改封其宗姬於巴爵之以子古者遠國

雖大爵不過子故吳楚及巴皆曰子此下何本連其地東至

魚復西至夔道北接漢中南極黔涪上劉具何李本作土植五穀

牲具六畜桑蠶麻紵魚鹽銅鐵丹漆茶蜜靈龜巨

李本誤臣

犀山雞白雉黃潤鮮粉皆納貢之其果實之珍者樹

有荔支蔓有辛荳園有芳藟香茗給客橙葵

原訛葵何本  
作葵劉李本

其藥物之異者有巴戟天椒竹木之瓚者有桃

支靈壽其名山有塗藉靈臺石書

何李本  
作邦山

連

民質直好義土風敦厚有先民之流故其詩曰川崖

惟平其稼多黍旨酒嘉穀可以養父野惟阜上彼稷

多有嘉穀旨酒可以養母其祭祀之詩曰惟月孟春

獮祭彼崖永言孝思享祀孔嘉彼黍既潔彼儀

劉李本  
作儀

惟澤蒸命良辰祖考來格其好古樂道之詩曰日月

明明亦惟其名誰能長生不朽難獲又曰惟德實寶

富貴何常我思古人令問令望而其失在於重遲魯

鈍俗素樸無造次辨麗之氣其屬有濮賓苴共奴獯

夷蠻之蠻周之仲世雖奉王職與秦楚鄧為比春秋

魯桓公九年巴子使韓服告楚請與鄧為好楚子使

道朔將巴客聘鄧鄧南鄙攻而奪其幣巴子怒伐鄧

敗之其後巴師楚師伐申楚子驚巴師

此下何本並  
連書無空位

魯

莊十八年巴伐楚克之魯文公十六年巴與秦楚

共滅庸哀公十八年巴人伐楚敗於鄆是後楚

主夏盟秦擅西土巴國分遠故於盟會希

希下張何  
本有與字

戰

國時嘗與楚婚及七國稱王巴亦稱王周之季世  
巴國有亂將軍蔓子請師於楚許以三城楚王救巴  
巴國既寧楚使請城蔓子曰藉楚之靈克弭禍難誠  
許楚王城將吾頭往謝之城不可得也乃自刎以頭授  
楚使王歎曰使吾得臣若巴蔓子用城何為乃以上  
卿禮葬其頭巴國葬其身亦以上卿禮周顯王時  
楚國衰弱秦惠文王與巴蜀為好蜀王弟苴私親於  
巴巴蜀世戰爭周慎王五年蜀王伐苴侯苴侯奔  
巴巴為求救於秦秦惠文王遣劉本張儀司馬錯救苴  
巴遂伐蜀滅之儀貪巴道之富因取巴執王劉李本以

歸置巴蜀及漢中郡分其地為一劉李本作縣儀城江州  
司馬錯自巴涪水取楚商於李本之地為黔中郡秦  
昭襄王時白虎為害自秦蜀巴漢患之秦王乃重募  
國中有能煞應作虎者邑萬家金帛稱之於是夷胸忍  
李本廖仲藥何射虎秦精等乃作白竹弩於高樓上射  
虎中頭三節李本白虎常從羣虎瞋恚盡搏劉李本煞應作  
羣虎大响而死秦王嘉之曰虎歷四郡害千二百人  
一朝患除功莫大焉欲如要應作王嫌劉李本其夷人乃  
刻石為盟要復夷人頃田不租十妻不算傷人者論  
煞人李本有者字劉李本死俵錢何本有注云俵盟曰秦犯夷輸黃龍

卷一

白

一雙夷犯秦輸清酒一鍾夷人安之漢興亦從高祖  
 定秦有功高祖因復之專以射白虎為事戶歲出實  
 錢口四十故世号劉吳何本作號白虎復夷一曰板楯蠻今所  
 謂弼頭虎子者也 漢高帝滅秦為漢王王巴蜀閬  
 中人范目有恩信方略知帝必定天下說帝為募發  
 實民要與共定秦秦地既定封目為長安建章鄉侯  
 帝將討關東實民皆思歸帝嘉其功而難傷其意遂  
 聽還巴謂目曰富貴不歸故鄉如衣繡夜行耳徒何不  
 封閬中慈鄉侯目固辭乃封渡劉李本作度目錄作渡沔縣侯故世  
 謂三秦亡范三侯也目復除民羅朴谷鄂度夕龔七

姓不供租賦 閬中有渝水實民多居水左右天性  
 勁勇初為漢前鋒陷陣銳氣喜舞帝善之曰此武王  
 伐紂之歌也乃令樂人習學之今所謂巴渝舞也天  
 下既定高帝乃分巴置廣漢郡 孝武帝又兩割置  
 犍為郡故世曰分巴割蜀以成犍廣也 自時厥後  
 五教雍和秀茂何本作茂秀挺逸英偉既多而風謠旁作故  
 朝廷有忠貞盡節之臣鄉黨有主文歌詠之音巴郡  
 譙君黃仕成哀之世為諫議大夫諫議大夫當去議字數進忠言後  
 違避王莽又不事公孫述述怒遣使賫李本作齋藥酒以懼  
 之君黃笑曰吾不省藥乎其子瑛納錢八百萬得免

國人作詩曰肅肅清節士執德實固貞違惡以授命  
 沒世遺令聲 巴郡陳紀山為漢司隸校尉嚴明正  
 直西虜獻眩王李本庭試之分公卿以為嬉紀山獨不  
 視京師稱之巴人歌曰築室載直梁國人以貞真邪  
 娛不楊劉吳何李目枉行不動身奸軌辟應作乎遠理義協  
 子民 巴郡嚴劉李本王思為楊劉吳何李州刺史惠愛在  
 民每當遷官吏民塞路攀轅詔遂留之居官十八年  
 卒百姓若喪考妣義送者賚何本錢百萬欲以贍王思  
 家其子徐州刺史不受送吏義崇不忍持還乃散以  
 為食食行客巴郡大劉李本守汝南應季先善而美之

乃作詩曰乘彼西漢潭潭其淵君子愷悌作民二親  
 沒世遺愛式鏡後人 漢安帝時巴郡太守連失道  
 國人風之曰明明上天下土是觀帝選元后求定民  
 安孰可不念禍福由人願君奉詔惟德日親 永初  
 中廣漢漢中羌反虐及巴郡有馬妙祈妻義王元憤  
 妻姬趙蔓目錄君妻華夙喪夫執恭何本姜之節守一醮  
 之禮号劉吳何曰三貞遭亂兵迫匿懼見拘辱三人同  
 時自沈于李本西漢水而沒死有黃鳥鳴其亡何本處徘徊  
 迴馬國人傷之乃作詩曰關關黃鳥爰集於樹窈窕  
 淑女是繡是黼惟彼繡黼其心匪石嗟爾臨川邈不



可獲 永建中秦應作秦何本亦作秦山吳資元約為郡守屢獲豐

劉李本作豐年民歌之曰習習晨風動澍雨潤乎苗我后卹

時務我民以優饒及資遷去民人思慕又曰望遠忽

不見惆悵嘗徘徊恩澤實難忘悠悠心永懷孝相何本

帝時河南李盛仲和為郡守貪財重賦國人刺之曰

狗吠何誼誼有吏來在門披衣出門應府記欲得錢

語窮乞請期吏怒反見尤旋步顧家中家中無可與

思往從鄰貸鄰人以言遺錢錢何難得令我獨憔悴

漢末政衰牧守自擅民人思治作詩曰混混濁治

魚魚叶流古音也習習激清流温温亂國民業業仰有劉李本作前脩

此下吳何本無空位

其德操仁義文學政幹若洛下閎目錄作宏任文公

馮鴻卿龐宣孟元文和趙温柔龔升李本作叔目錄作叔侯楊文義

等播名立事言行表世者不勝次載者也 孝安帝

元初三年凉吳何本作梁州羌反入漢中殺太守董炳擾動

巴中中郎將尹就討之不克益州諸郡皆起兵禦之

三府舉廣漢王堂為巴郡太守撥亂致治進賢達士

貢孝子嚴永隱士黃錯名儒陳髦俊士張璠皆至大

位益州刺史張喬表其尤異徙右扶風民為立祠

孝相帝以并州刺史秦惠棧改秦李本作秦何本亦誤山但望字伯闔為巴

郡太守勤應作勤卹民隱郡文學掾劉李何李本作掾下同宕渠趙芬掾

宏農馮尤墊江龔榮目錄作策王祈李溫臨江嚴就胡良文

愷安漢陳禧閩中黃閻江州母何李本作母劉本作母成陽譽喬就

張紹牟存平直等詣望自訟曰郡境廣遠千里給吏

兼將人從冬往夏還夏單冬複唯踰時之役懷怨曠

之思其憂應作喪吉凶不得相見解緩補綻下至薪菜

之物無不躬買於市富者財得自供貧者無以自久

劉李本作文是以清儉天枉不開加以水陸艱難山有猛禽

應作思迫期會隕身江河投死虎口咨嗟之歎何本歷世

所苦天之應感乃遭明府欲為更新童兒匹劉吳何婦

懽喜相賀將去遠就近釋危蒙安縣無數十民無遠

通恩加未應作生澤及來世巍巍之功勒於金石乞以

文書付計椽應作史人鬼同符必獲嘉報芬等幸甚望

深納之郡戶曹史枳白望曰芬等前後百餘人歷政

應作訟訴未蒙感寤劉李本亦誤寤吳何本改悟明府運機布政稽李本當皇

極為民庶請命救患德合天地澤潤河海開闢以來

今遇慈父經曰奕奕梁山惟禹甸之有倬其道韓侯

受命比隆等盛於斯為美永興二年三月甲午望上

疏曰謹按巴郡圖經境界南北四千東西五千周萬

餘里屬縣十四鹽鐵五官各有丞史戶四十六萬四

千七百八十口百八十七萬五千五百三十五遠縣

去郡千二百至千五百里鄉亭去縣或三四百或及  
 千里土界遐遠令尉不能窮詰姦凶時有賊發督郵  
 追案十日乃到賊已遠逃蹤迹絕滅罪錄何本少錄字逮捕  
 證驗文書詰訊即從春至冬不能究訖繩憲未加或  
 遇德令是以賊盜公行姦宄不絕榮等及隴西太守  
 馮舍上谷目錄作庸太守陳宏說往者至有劫關中令楊殷  
 終津侯姜何本誤美吳傷尉蕪鴻彭亭侯孫魯雍亭侯陳已  
 殷侯樂普又有女服賊千有餘人布散千里不即發  
 覺謀成乃誅其水陸覆害煞應作殺郡掾劉李本作掾枳謝威塞  
 威張御魚復令尹尋主簿胡直若此非一給吏休

謁往還數千閉囚須報或有彈劾動便歷年吏坐踰  
 科恐失冬節侵疑先死如當移傳不能何本作得待報輒自  
 刑戮或長吏忿怒冤枉弱民欲赴訴郡官每憚還往  
 太守行桑農不到四縣刺史行部不到十縣郡治江  
 州時有溫風遙縣客吏多有疾病地勢剛峻何本作險皆重  
 屋累居數有火害又不相容結舫水居五百餘家承  
 三江之會夏水漲盛壞散顛溺死者無數而江州以  
 東濱江山險其人半楚姿態訥重墊江以西土地平  
 敞精敏輕疾上下殊俗性情不同敢欲分為二郡一  
 治臨江一治安漢各有桑麻丹漆布帛魚池鹽鐵足

相供給兩近京師榮等自欲義出財帛造立府寺不  
 費縣官得百姓懽心何本孝武以來亦分吳蜀諸郡聖  
 德廣被民物滋繁增置郡土釋民之勞誠聖主之盛  
 業也臣何本少雖貪大郡以自優暇不忍小民顛顛蔽  
 隔謹具以聞朝議未許遂不分郡分郡之議始於是  
 矣哉李本無哉字各本有順栢之世板楯數反太守蜀郡趙  
 溫恩信降服於是宕渠出九穗之禾胸忍李本有連理  
 之木光和二李本誤重年板楯復叛攻害三蜀漢中州郡  
 連年苦之天子欲大出何本二軍時征役疲弊問益州  
 計曹考以計何本略益州計曹掾劉李本程包漢中士女對曰

板楯七姓以射白虎為業立功先漢本為義民復除  
 徭役但出買錢口歲四十其人勇敢能戰昔羌數入  
 漢中郡縣破壞不絕若線後得板楯來虜彌盡号劉李  
 為神兵羌人畏忌傳語種輩勿復南行後建寧後漢  
 二年羌復入漢牧守遑遑復復字惠賴板楯破之  
 若微板楯則蜀漢之民為左衽矣前車騎將軍馮緄  
 南征雖授丹楊劉李本精兵亦倚板楯近益州之亂朱  
 龜以并何本涼勁卒討之無功太守李顥以板楯平之  
 忠功如此本無惡心長吏鄉亭更賦至重僕役過於  
 奴婢筮楚隆於囚虜至乃嫁妻賣子或自剄割陳寬

州郡牧守不理去闕庭遙遠不能自聞含怨呼天叩  
心窮谷愁於賦後困乎刑酷邑域相聚以致叛戾非  
有深謀至計僭号劉吳李本作號不軌但選明能牧守益其資  
穀安便賞募從其利隳自然安集不煩征伐也昔中  
郎將尹就伐羌擾動蓋部百姓諺云虜來尚可尹將  
殺我就嚮還後羌自破退如臣愚見權之遣軍不如  
任之州郡天子從之遣太守曹謙宣詔降赦一朝清  
戢 獻帝初平元年征東中郎將安漢趙穎建議分  
巴為二郡穎欲得巴舊名故白惠校改曰非是劉本作曰益州牧劉璋  
以墊江以上為巴郡江南龐羲為太守治安漢以江

州至臨江為永寧郡胸忍李本作肥至魚復為固陵郡巴遂  
分矣 建安六年魚復蹇允白璋爭巴名璋乃改永  
寧為巴郡以固陵為巴東徙義為巴西太守是為三  
巴於是涪陵謝本白璋求以丹興漢髮二縣為郡初  
以為巴東屬國後遂為涪陵郡分後屬縣七戶二萬  
去洛三千七百八十五里東接胸忍李本作肥西接蔣縣南  
接涪陵北接安漢吳何太作德漢德陽此下何本提行巴子時雖都江  
州或治墊江或治平都後治閬中其先王陵墓多在  
枳其畜牧在沮今東突破下畜沮是也又立市於龜  
亭北岸今新市里是也其郡東枳有明月破廣德嶼故

巴亦有三破何本以下連書巴楚數相攻伐故置扞何本關陽

關及沔關漢世郡治江州巴水北有甘吳何本作柑橘官

今北府城是也後乃還南城劉先主初以江夏費璿

為太守領江州都督後都護李嚴更城大城周迴十

六里欲穿城後山自汶江通水入巴江使城為州李本作州

求以五都置巴州丞相諸葛亮不許亮將北征召嚴

漢中故穿山不逮然造蒼龍白虎門別郡縣倉皆有

城嚴子農代為都督農解後梓漢劉吳何李本並作潼李福為都督

延熙中車騎將軍鄧艾李本作艾吳何本作文鄧艾碑作艾為都督治陽關

十七年省平都樂城常安咸熙元年但四縣以

鎮西參軍隴西怡恩和為太守二部守軍此下何本空一位

江州縣郡治塗山有禹王祠及塗后祠北水有銘書

詞李本作祠云漢初犍為張君為太守忽得仙道從此升渡

劉李本作度今民曰張府君祠縣下有清水穴巴人以此水

為粉則膏暉鮮芳貢粉惠校改粉貢京師因名粉水故世謂

江州墮休張佳允吳瑄何允中本並作休劉李本作休粉也有荔枝何本作支園至熟二千

石常設廚舊命士大夫共會樹下食之縣北有稻田出

御朱劉吳何李本作朱陂池出蒲蒹藿劉李本作蘭席其冠族有波鈿母

謝然愷李本作蓋楊白上官程常世有大官也此下何本空一字

枳縣郡東四百里治涪陵水會土地确瘠時多人士

卷一

有章常連黎牟楊郡冠首也

臨江縣枳東西

張本作四劉具何李本作西

百里接胸臆有鹽官在監塗

何本作除

二溪一郡所仰其豪門亦家有鹽井又嚴甘文楊

杜為大姓晉初文立實作常伯納言左右楊宗符稱

武隆人在吳為孫氏虎臣也

此下何本空一字

平都縣蜀延熙時省大姓躬呂蔡氏

此下何本空一字

墊江縣郡西北中水四百里有桑蠶牛馬漢時龔榮

以後才為荊州刺史後有龔揚

何本作楊

趙敏令德為巴郡

太守淳于長寧雅有美兒

劉李本作貌後世同

黎夏杜皆大姓也

樂城縣在四州江三百里延熙十七年省

此下劉吳何李木接寫不投行

常

安縣亦省

巴東郡先主入益州改為江關都尉建安二十一年

以胸臆魚復

此下劉吳何李本無空位

羊渠

吳何本小注云按晉志巴東郡有宕渠

及宜都

一本宜都下空十一吳何李本

無空位劉本空三位

巫北并六縣為固陵郡武陵康立為

宜加漢豐三字

太守

章武元年胸臆

何本作忍

徐慮魚復蹇機以失巴名上表自

訟先主聽復為巴東南郡輔

避宋諱缺書後同劉李本作匡

為太守先主

征吳於夷道還薨斯郡以尚書令李嚴為都督造設

圍戍嚴還江州征西將軍汝南陳到為都督到卒官

以征北大將軍南陽宗預為都督預還內領軍襄陽

羅獻為代蜀平獻仍其任拜凌江將軍領武陵太守

此下何本連

泰始二年吳大將步闡唐咨攻獻獻保城咨  
 西侵至胸臆故蜀尚書郎巴郡楊宗告急于洛未還  
 獻出擊闡大破之闡咨退獻遷監軍假節安南將軍  
 封西鄂侯入朝加錫吳何本御蓋朝服吳武陵太守孫  
 恢寇南浦安蠻護軍楊宗討之退走因表以宗為武  
 陵太守住南浦誘卹武陵蠻夷得何本三縣初附民獻  
 卒以犍為太守天水楊攸為監軍攸遷涼何本州刺史  
 朝議以唐彬及宗為代晉武帝問散騎常侍文立曰  
 彬宗孰可用立對曰彬宗俱立事績在西不可失者  
 然宗才誠佳有酒嗜彬亦其人性在財欲惟陛下裁

之帝曰財欲可足酒嗜難改遂用彬為監軍加廣武

將軍此下何本連迄吳平巴東後省羊渠置南浦此下何本連晉太

康初將巫北并還建平但五縣去洛二千五百里東

接建平南接武陵西接巴郡北接房陵奴獯夷蠻之

蠻民此下何本連

魚復何本縣郡治公孫述更名白帝章武二年改曰永

安咸何本熙初復有橘官又有澤水神天旱鳴鼓於傍

即雨也此下何本連

胸忍劉李本縣西二百九十里水道有東陽下瞿數灘

山有大小石城勢何本靈壽木鹽井靈龜咸熙元年獻



靈龜於相府此下何本連大姓扶先徐氏漢時有扶徐荊州

着石楚訪有弼頭白虎復夷者也着石楚訪四字未詳弼字書音強義同其兩切何本誤兩又翹移

一重音三以下何本空一字

漢豐縣建安二十一年置在郡西北彭溪源此下劉本接寫不提行何

本定一字

南浦縣郡南三百里晉初置主夷何本有郡字與下連郡與楚接

人多勁勇少文學有將帥材此下何本提行

涪陵郡巴之南鄙從枳南入折丹涪水本與楚商於

之地接秦將司馬錯由之取楚商於地為黔中

郡也漢何本無漢字後恒有都尉守之舊屬縣五去洛石

千一百七十里東接巴東南接武陵西接牂柯李本作柯何本作柯

北接巴郡土地山險水灘人多戇勇多獯蠶之民縣

邑阿黨鬪訟必死無蠶桑少文學惟出茶丹漆蜜蠟

漢時赤甲軍常取其民蜀丞相亮亦發其勁卒三千

人為連弩士遂移漢中 延熙十三年大姓徐巨反

車騎將軍鄧芝討平之見元何本作猿下同緣其山芝性好

弩手自射猿中之猿子拔其箭卷木葉塞其創芝嘆

曰嘻吾傷物之性其將死矣乃移其豪徐藺謝范五

千家於蜀為獵射官分羸弱配督將韓蔣吳何李本此下並無空位名

為助郡軍遂世掌部曲為大姓晉初移弩士于馮翊

蓮勺其人性質直雖徙他所風俗不變故迄今有蜀

漢關中涪陵其為軍在南方者猶存此下何李本無空位山有大

龜其甲可卜何本誤十其緣可作义世号劉本作號靈义何本空位有出字此下李本提行

涪陵縣郡治此下何本止空一字後發

丹興蜀時省山出名丹

漢平縣延熙十三年置

萬寧縣孝靈帝時本名永寧

漢髮惠作縣有鹽井諸縣北有獾蜚又有蟾夷也

巴西郡屬縣七去洛二千八百一十五里東接巴郡

南接梓潼北接涼何本西城土地山原多平有牛馬桑

蠶人自先漢以來傀儡倣冠冕三巴及郡分後叔

布周舒子榮始譙嶷周羣父子程公宏等或學兼三才或

精李本秀奇逸其次馬勳盛衡承參伯才藻清李本妙龔

德緒兄弟英氣燭然黃權公衡應權通變馬忠德

信王平子均勾扶孝興張疑伯岐建功立事劉二主

之世稱美荆楚乃先漢以來馮組車騎范鎮南皆植

斯鄉故曰巴有將蜀有相也及晉譙周侯脩劉李本文

於前陳壽君渙何本作煥劉炳於後並遷雙固倬羣禎世

甄在傳記縉紳之徒不勝次載焉此下何本

閬中縣郡治有彭池大澤名山靈臺見文緯書識大

姓有三狐五馬蒲趙任黃嚴也

此下何本  
空一字

南充國縣和帝時置有鹽井大姓侯譙氏

此下何本  
空一字

安漢縣号劉本作號出人士大姓陳范閻趙

平州縣其李本作共二縣為郡

宕渠郡延熙中置以廣漢王士為太守郡建九年省

永興元年李雄復置今遂為郡長老言宕渠蓋為故

實國今有實城廬城秦始皇時有長人二十五丈見

宕渠秦史胡母李本作母敬曰是後五百年外必有異人為

大人者及雄之王祖世出自宕渠有識者皆以為應

之先漢以來士女賢貞縣民車騎將軍馮緄大司農

元賀大鴻臚龐雄桂陽太守李温目錄作然等皆建功立事

有補於世緄温各葬所在常以三月二子之靈還鄉

里水暴漲郡縣吏民莫不於水上祭之其列女節義

在先賢志以下何本  
並空二字

宕渠縣郡治有鐵官石蜜山圖所採也

漢昌縣和帝時置大姓勾氏

宣漢縣今省

右巴國凡何本無  
八字分為五郡二十三縣此下何  
本提行

讚曰巴國遠世則黃炎之支封在周則宗姬之戚親

故於春秋班倅秦楚示甸衛也若蔓子之忠烈范目

之果毅風悖俗厚世挺名將斯乃江漢之含靈山岳  
 之精爽乎觀其俗原闕惠校李本改足以知其敦壹何李本矣  
 昔沙麓崩卜何本偃言其後當有聖女興元城郭公謂  
 王翁孺屬當其時故有政君李雄宕渠之廝伍略應作  
 陽之黔首耳起自流隸君獲士民其長人之魄良有  
 以也

華陽國志卷一終

華陽國志卷二

晉散騎常侍蜀郡常璩道將撰 宋丹稜李孝叔庠刊本 綿州李調元贊菴校定

漢中志

漢中郡本附庸國屬何本周赧王二年秦惠文王置郡  
 因水名也漢有二源東源出武都氐道漾山因名漾  
 禹貢流漾為漢是也西源出隴西蟠冢山會白水經  
 葭萌入漢始源曰沔故曰漢沔在詩曰滔滔江漢南  
 國之紀其應上昭于劉李本天又曰惟天有漢其分野與  
 巴蜀同占其地東接南郡南接廣漢西接隴西陰平  
 北接秦川厥壤沃美賦貢所出畧侔三蜀六國時楚



華陽國志 卷二  
強盛畧有其地後為秦恒成爭地漢高帝既克秦獲  
子嬰項羽封高帝為漢王王巴蜀三十一縣帝不悅  
丞相蕭何謀曰雖王漢之惡不猶愈於死乎且語曰  
天漢其稱甚美夫能屈於一人之下則伸於萬乘之  
上者湯武是也願大王王漢中撫其民以致賢人收  
用巴蜀還定三秦天下可圖也帝從之都南鄭及項  
籍弑義帝高帝東伐蕭何常居守漢中足食足兵既  
定三秦蕭何鎮關中資其衆卒平天下以田叔為漢  
中守屬縣十一去洛一千九十一里叔既饋以軍餼  
又致名材立宮室帝嘉之後為魯相然以帝業所興

不封藩王自叔之後世脩

劉李本  
作修

文教有俶儻之士異

人並挺鄧公抗言於孝景之朝以明忠枉之情張騫

特以蒙險遠為孝武帝開緣邊之地賓沙越之國致

大宛之馬入南海之象而車渠

李本  
作渠

瑪瑙珊瑚林碧罽

寶明珠玳瑁虎魄

李何本  
作琥珀

水精琉璃火浣之布蒲桃之

酒筇竹茹醬殊方奇玩盈於市朝振揚威靈被於幽

裔遂登九列杖節繡衣剖符博

李本  
作博

望谷口子真秉箕

穎之操湛然岳立不營不求德聲邁流楊王孫應至

人之概

此下劉吳何李本無空位  
劉本自建二字誤作分注

自建武以後羣儒

何本  
誤儒

修業開

按圖緯漢之宰相當出坤鄉於是司徒李

印

公屢登

七政太傅固子堅奕世論道其珪璋瑚璉之器則陳

雅伯臺李歷季子申伯陳之徒文秀璋劉本燿其州牧

郡守冠蓋相繼於西州為盛蓋濟濟焉此下何本莽時

公孫述據蜀跨有漢中當秦隴之徑每罹於何本無其

害安帝永初二年陰平武都羌反入漢中何本太守

董炳沒畧吏民四年羌復來太守鄭廩劉本何本

出屯褒中欲與羌戰主簿段崇陳禪以為但可堅守

來虜乘勝其鋒不可當廩不從戰敗績崇與門下史

曹程信素居守馳來赴難劉本何本寇殞殮廩虜遂大

盛天子乃拜巴郡陳禪為漢中太劉本守虜素憚禪更

來盤結李本禪知攻守未可卒下而年荒民困乃矯詔

赦之大小咸服既誅其亂首天子善之徙禪左馮翊

太守程信怨恥乃結故吏冠蓋子弟嚴尊李容姜濟

陳已曹廉勾矩劉旌等二十五人誓志報羌各募壯

士豫結同死以待寇太守鄧成命信為五官掾等門

下官屬元李本和二年羌復來巴郡板楯掠之信等

將其士卒力奮討大破之信被八創二十五人戰死

自是後羌不敢南向五年天子下詔褒歎信崇等

賜其家穀各千斛宗展尊等家穀各五百斛列畫東

漢書

卷二

三

觀每新太守到必先存問其家以羌畏服陳禪拜禪

子澄劉本漢中太守 漢末沛國張陵學道於蜀鶴鳴

山造作道書自稱太清元元以惑百姓陵死子衡傳

其業衡死子魯傳其業魯字公祺以鬼道見信於益

州牧劉焉魯母有少容往來焉家 初平中以魯為

督義司馬住何本漢中斷谷道魯既至行寬惠以鬼道

教立義舍置義朱劉吳何李本義肉其中行者取之量腹

而已不得過過多云鬼病之其市肆賈何本平亦然記

法者三原而後行刑學道未劉李本信者謂之鬼卒後

乃為祭酒巴漢夷民多便之其供通限出五斗米故

世謂之米道扶風蘇固為漢中太守魯遣其黨張脩

攻固成劉吳何李固人陳調素遊俠學兵法固以為門下

掾說固守打禦寇之術固不能用踰牆走投南鄭趙

嵩嵩將俱逃賊盛固遣嵩求隱避處嵩未還固又令

鈴下偵賊賊得鈴下遂得煞何本固嵩痛憤杖李何本劍

直入調亦聚其賓客百餘人攻脩戰死魯遂有漢中

數害漢使焉上書言米賊斷道此下各本至劉焉子璋

為牧時魯益驕恣璋怒 建安五年殺魯母弟魯率

巴夷杜濩朴胡袁約等叛為讎敵魯時使使漢朝亦

慢橋李本帝室以亂不能征就拜中郎將漢寧太守不

作驕

置長吏皆以祭酒為治民璋數遣龐羲李思等討之不能克而巴夷日叛乃以羲為巴西太守又遣楊懷高沛守關頭請劉先主討魯先主劉先主本無討魯先主四字更襲取璋

二十年魏武帝西征魯魯走巴中先主將迎之而魯功曹巴西閻圃何本說魯北降歸魏武贊以大事宜附託不然西結劉備以歸之魯勃然曰寧為曹公作奴不為劉備上客遂委質魏武武帝拜魯鎮南將軍封襄平侯又封其五子皆列侯時先主東下江安巴漢稽服魏武以巴夷王杜濩朴胡袁約為三巴太守留征西將軍夏侯淵及張郃益州刺史趙顛等守漢

中遷其民於關隴二十四年春先主進軍攻漢中至定軍山郃顛來戰大為先主所破將軍黃忠斬顛顛首魏武帝復西征先主先主曰孟德雖來無能為也我必有漢川李本矣先主遂為漢中王將還成都當得重將以鎮漢中眾皆以必張飛張飛心亦自許先主乃以牙門義陽魏延為鎮遠將軍漢中太守先主大會羣臣問延曰今委卿以漢中卿居之若何對曰若曹操舉天下而來請為大王拒之若偏將十萬而來請為大王吞之眾壯其言初魏武之留淵郃也何本以雞肋示外外人莫察惟主簿楊脩何本知之故曰夫



鷄肋棄之如可惜食之無所得以比漢中也 是後

處蜀魏界固險重守自丞相大司馬大將軍皆鎮漢

中 蜀平梁州治沔陽 李本作縣此 太康中晉武帝子

漢王迪受封更曰漢國郡但六縣 此下何本空

南鄭縣郡治周貞王十六年秦厲公城之有池水從

早山來入沔大姓李程 應作 趙公 劉吳何李

沔陽縣州治有鐵官又有度水水有二源一曰清檢

二曰濁檢有魚穴清水出鱣 李本 濁水出鮒常以二月

八日 劉吳何 取蜀丞相諸葛亮葬定軍山

褒中縣孝昭帝元鳳六年置本都尉治也山名扶木

何本 有唐公房 後漢書志 祠也

城 前漢書晉 固縣蜀時以沔陽為漢城城固為樂城 此下何

蒲池縣

西鄉縣

魏興郡本漢中西城縣 此下何本 哀平之世縣民錫 李本

劉吳何 光字長冲為交州刺史徙交趾 何本 太守王莽篡

位拒郡不附莽方有事海內未以為意尋值所在兵

起遂 何本作 自守 更始即祚 應作 正其本官世祖嘉其

忠節徵拜為大將軍朝侯祭酒封鹽水侯 後漢中

數寇亂縣土獨存漢季世別為郡 建安二十四年

劉先主命宜都太守孟達從秭歸北伐房陵上庸自

漢中又遣副軍中郎將劉封原與劉吳何李本有封字乘沔水會達上庸

以申耽弟儀為建信將軍西城太守達耽降魏 黃

初二年文帝轉儀為魏興太守封劉李本無封字鄖鄉侯 蜀

平遂治西城屬縣六戶萬去洛一千七百李本有里字劉本里字擠刻土

地險隘其人半楚風俗畧與荊州沔中郡同此下何本空一字後並同

西城縣郡治元康元年封越騎校尉蜀郡何攀為公

國也

錫縣

安康縣

晉置

鄖元作員劉本李本亦作員下同何本作鄖鄉縣本名長利縣縣有鄖鄉漢地理志作鄖關

洵陽縣洵水所出此字何本換行

上庸郡故庸國楚與巴秦所共滅者也秦時屬蜀後

屬漢中此下何本連後做此漢末為上庸郡 建安二十四年孟

達劉封征上庸上庸太守申耽稽服遣子弟及宗族

詣成都先主拜耽征北將軍封鄖鄉侯仍郡如故

黃初中降魏魏文帝拜耽懷集將軍徙居南陽省上

庸并新城孟達誅後復為郡屬縣五戶七千去洛一

千七百里此下何本空一字

上庸縣郡治

北平縣

安樂縣

劉李本  
作鄉

咸熙元年為公國封劉後主也

此下何本  
空一字

武陵縣

安富縣

微陽縣

吳何本有小注云晉書  
上庸郡有上庸無安樂

新城郡本漢中房陵縣也秦始皇徙呂不韋舍人萬家於房陵以其隘地也

此下何本  
連後晉

亦多徙此縣

漢末以為房陵郡

建安二十四年

孟達征房陵煞

何本  
作殺

太守蒯祺進平三郡與劉封不和

封奪達鼓吹關羽圍樊城求助於封達封達以新據山郡未可擾動為辭羽為吳所破殺達既忿封又懼先主見責遂拜書先主告叛降魏魏文帝善達姿美容觀以為散騎常侍建武將軍襲劉封封敗走達據房陵文帝合三郡為新城以達為太守後蜀丞相諸葛亮將北伐招達為外援故貽書曰嗟乎孟子度邇者劉封侵凌足下以傷先帝待士之望慨然永歎每存足何本  
誤天下平素之志豈虛託名載策者哉都護李嚴亦與書曰吾與孔明並受遺詔思得良伴吳王孫權亦招之達遂背魏通吳蜀表請馬弩於文帝撫軍司

馬宣王以為不可許帝曰吾為天下主義不先負人  
當使吳蜀知吾心乃多與之過其所求 明帝太和  
初達叛魏歸蜀時宣王屯宛知其情乃以書喻之曰  
將軍昔棄劉備託身國家委將軍以疆場何李本誤場之任  
任將軍以圖蜀之事可謂心貫白日蜀人愚智莫不  
切齒於將軍諸葛亮欲相破唯苦無路耳模之所言  
李本小注在書頭郭模亮遣詐降洩孟達謀者非小事也亮豈輕之而令宣露此殆易  
知耳達乃以書與亮曰宛去洛八百李本有里字去此千二  
百里聞吾舉事當表上天子比相反覆一月間也則  
吾城已固諸劉本作將軍足辦則李本無此則字吾所在深險司馬公

必不自來諸將來吾無患矣及兵到達又告亮曰吾  
起事八日而兵至城下何其神速也亮以其數反覆  
亦不採遂為宣王所誅滅 宣王分為三郡新城屬  
縣四戶二萬去洛一千六百里此下何本空一字  
房陵縣有維山維水所出東入瀘李本小注在書頭瀘字疑誤當作漢吳何本此下又有小注云又

按巴漢志新城郡有維水所出亦云東入瀘

汝吳何本作汴劉李本作沱鄉縣

昌魏縣

綏何本作陽陽縣此下何本空一字

右三郡漢中所分也在漢之東故蜀漢謂之東三郡

蜀時為魏屬荊州晉元康六年始還梁州山水艱阻

有黃金子午馬聰李本建鼓之阻又有作道九君搏李本

搏土作人處而其記及漢中記不載又不為李雄所

據據識其大概概未能詳其小委曲也此下何本

梓潼郡本廣漢屬縣也此下何本建安十八年劉先主

自葭萌南攻州牧劉璋留中郎將南郡霍峻守葭萌

城張魯遣將楊帛誘峻求共城守峻曰小人頭可得

城不可得也帛退劉璋將向存扶禁由巴閬水攻峻

歲餘不能克峻眾才八百人存眾萬計更為峻所破

敗退走成都既定先主嘉峻功何本二十二年分廣

漢置梓潼郡以峻為太守屬縣六戶萬去洛二千八百三十八里東接巴西西南接廣漢西接陰平北接漢中土地出金銀丹漆藥蜜也世有雋彥人侔於巴蜀

此下何本

梓潼縣郡治有五婦山故蜀五丁士所拽地崩山處

也有善板祠一曰惡子民歲上雷杼或作十枚歲盡不

復見云雷取去四姓文景雍鄧者也梓潼一本作梓劉李本

涪縣去成都三百五十里水通于李本巴劉李本於吳何本下無

蜀東北之要蜀時大將軍鎮之有宕田平稻田孱水

出孱山其源有何本金銀鑛洗取火融合之為金銀陽

泉出石丹大司馬蔣琬葬此大姓楊杜李人士多見者舊也

晉壽縣本葭萌城劉氏更曰漢壽水通于李本巴西又

入漢川有金銀鑛民今歲歲取洗之蜀亦大將軍鎮

之漆藥蜜所出也大將軍費禕葬此山上當有某山字或在漆藥蜜所出之上大

姓葬此者多

白水縣有闕尉故州牧璋將楊懷高沛守也

廣漢縣

德陽縣此下何本有劔閣道三十里至險有閣劉何李本作閣尉

桑下兵民也

武都郡本廣漢西部都尉治也此下何本元鼎六年別

為郡屬縣九戶萬去洛一千八百七十八里東接梓

潼西接天水北接始李本作陰平土地險阻有麻田氏使多

羌戎之民其人半秦多勇戇出名馬牛羊漆蜜有瞿

堆百頃嶮勢氏使常依之為叛漢世數征討之分

徙其羌遠至酒泉何本作嚴煌其攻戰壘戍處所亦多

建安二十四年先主遣將軍雷同吳蘭平之為魏將

曹洪所破殺魏益州刺史天水楊阜治此郡阜以

濱蜀境移其氏使於汧雍及天水畧陽建興七年

丞相諸葛亮遣護軍陳戒伐之遂平武都陰平二郡

還屬益州 魏將夏侯淵張郃徐晃征伐常由此郡

而蜀丞相亮及魏延姜維等多從此出秦川劉李本遂

荒無晉民其氏使楊濩屬魏魏遙置其郡屬蜀此下何李本無空位

蜀平屬雍州 太康六年還梁州 八年氏使齊

萬年反劉李本郡罹其寇晉民流徙入蜀及梁州 永

嘉初天水氏使楊茂搜率種人為寇李本保據其郡貢

獻長安愍帝以胡寇方盛欲懷來戎翟拜驃騎將軍

左賢王劉曜破長安丞相平昌公上隴據天水茂

搜數饋平昌公拜茂搜長子難敵征南將軍少子堅

頭龍驤將軍種眾疆劉李本亦誤疆盛東破梁州南連李雄成

服羌戎時平昌公為劉曜所破陳安作賊于時并氏

使如一國茂搜死敵堅代為主數歲 曜自攻武都

敵堅南奔雄至晉壽遣子為質又厚賂雄兄晉壽守

將稚曜不獲敵堅引還武都恃險驕慢攻走雄陰平

太守羅演演稚舅也稚忿恚白兄舍何本誤與雄求征

之雄使舍將稚數千人攻之時敵妻死葬於陰平舍

稚徑何本至下辨何本入武街城以深入無繼盡為氏使

所破然李本敵堅死子磐毅復代為主吳何本有小注云按咸

康四年敵從弟此下劉吳何初然磐毅兄弟代為主迄今

自茂搜父子之結據也通晉李本誤家及李雄劉

本連

曜石勒石虎張駿皆稱臣奉貢受其官號所向用其

官及其年號此下何本連

下辨縣郡治一曰武街

武都縣東漢水所出有天池澤

後漢志注引作天池何本作天澤小注云一本云天池澤

上祿何本上空一字故道縣

河池縣漢志引此有一名仇池地方百里八字

泉街縣漢志注無縣守水入沮合漢也

沮縣何本上空一字

河池水漢志作沮水後漢志作河水

所出東狼谷也

何本有小注云上祿故道縣名俱屬武都郡

平樂縣

脩城縣漢志作循城何本作脩城

### 嘉陵縣

陰平郡本廣漢北部都尉

此下何本連後同

永平後羌虜數反

遂置為郡屬縣四戶萬去洛二千三百四十四里東

接漢中南接梓潼西接隴西北接酒泉土地山嶮人

民剛勇多氏僂有黑白水羌紫羌胡李本誤胡虜風俗所出

與武都畧同漢安帝永初二年羌反燒郡城郡人

退住白水會漢陽諸羌反溢入漢何本太守漢陽杜

琦自稱將軍叛亂廣漢郡屯葭萌漢使御史大夫唐

喜討琦進討羌經年不下詔賜死更遣中郎將尹就

討羌亦無功諸郡太守皆屯涪元初五年巴郡板



楯軍救漢中漢中李本二字不重出大破羌羌乃退郡復治置助

郡都尉 劉先主之李本作也入漢中也爭二郡不得此下李本無空位劉

本提建興七李本作二年諸葛亮始李本作使 惠校改始命陳戒平之此下李本無空位劉

本提魏亦遙置其郡屬雍州自景谷有步道徑江由一作

左儋行出涪鄧艾從之伐蜀 元康六年還屬梁州

永嘉末太守王鑿粗暴郡民毛深左騰等逐出之

相率降李雄晉民盡出蜀氏羌為楊茂搜所占

陰平縣白本上空一字下同郡漢曰陰平道也

甸氏縣有白水出徼外入漢

武平劉吳何李本武縣有關尉自景谷有步道徑江由李本作油左儋

出涪鄧艾伐劉本誤代蜀道也劉吳何本誤則主時置義守號關尉

剛氏縣涪水所出有金銀鑛

右梁州

讚曰漢沔彪炳靈光上照在天鑿為雲漢於地畫為梁州而皇劉應之洪祚攸長蕭公之云不亦宜乎

*[Faint bleed-through text from the reverse side of the page]*

華陽國志卷三

晉散騎常侍蜀郡常璩道將撰 宋丹稜李堊叔厘刊本 綿州李調元贊菴校定

蜀志

蜀之為國肇劉本作肇於人皇與巴同圍至黃帝為其子昌  
意娶蜀山氏之女生子高陽是為帝嚳封其支庶於  
蜀世為侯伯歷夏商周武王伐紂蜀與焉其地東接  
于李本作於巴南接于越北與秦分西奄峨嶓地稱天府  
原曰華陽故其精靈則井絡垂耀江漢遵流河圖括  
地象曰岷山之下為井絡帝以會昌神以建福夏書  
曰岷山導江東別為沱泉源深盛為四瀆之首而分

為九江其寶則有璧王金銀珠碧銅鐵鉛錫赭堊錦  
繡蜀麤犀象氈毼劉吳何李本亦麤丹黃空青桑漆麻紵之饒滇  
狹實熨僮僕六百之富其卦值坤故多班劉吳何李本作班絲文  
章其辰值未故尚滋味德在少昊故好辛香星應與  
鬼故君子精敏小人鬼黠與秦同分故多悍勇在詩  
文王之化被乎江漢之域秦幽同詠故有夏聲也  
其山林澤漁李本作川澤園囿果瓜四節何本作時代熟靡不有焉  
有周之世限以秦巴雖奉王職不得與春秋盟會  
君長莫同書軌 周失綱紀蜀先稱王有蜀侯蠶叢  
其目縱始稱王死作石棺石槨劉本國人從之故俗以

石棺槨劉本為縱目人家也吳何本無也字 次王曰栢灌次王  
曰魚鳧魚鳧王田於湔山忽得仙道蜀人思之為立  
祠 後有王曰杜宇教民務農一號杜主時朱提有  
梁氏女利遊江源宇悅之納以為妃移治郫邑或治  
瞿上 七國稱王杜宇稱帝號曰望帝更名蒲卑應作耶  
自以功德高諸王乃以褒斜為前門熊耳靈關為後  
戶王壘峨眉為城郭江潛綿洛為池澤以汶山為畜  
牧南中為園苑會有水災其相開明決玉壘山以除  
水害帝遂委以政事法堯舜禪受之義遂禪位于李本  
開明帝升西山隱焉時適二月子鵑鳥鳴故蜀人悲

子鵲鳥鳴也巴亦化其教而力農務迄今蜀民農時  
先祀杜主君 開明位號曰叢帝叢帝生盧帝盧帝  
攻秦至雍生保子帝 帝攻青衣雄張獠熒九世有  
開明帝始立宗廟以酒曰醴樂曰荆人尚赤帝稱王  
時蜀有五丁力士能移山舉萬鈞每王薨輒立大石  
長三丈重千鈞為墓志今石笋是也號曰笋里未有  
謚列但以五色為主故其廟稱青赤黑白帝也 開  
明王自夢廓移乃徙治成都 周顯王之世蜀王有  
褒漢之地因獵谷中與秦惠王遇惠王以金一作李本  
遺蜀王王報珍玩之物物化為土惠王怒羣臣賀曰

天奉我矣王將得蜀土地惠王喜乃作石牛五頭朝瀉  
金其後曰牛便金有養卒百人蜀人悅之使使請石  
牛惠王許之乃遣五丁迎石牛既不便金怒遣還之  
乃嘲秦人曰東方牧犢兒秦人笑之曰吾雖牧犢當  
得蜀也武都有一丈夫化為女子美而豔蓋山精也  
蜀王納為妃不習水土欲去王必留之乃為東平之  
歌以樂之無幾物故蜀王哀之哀下劉李本有金字乃遣五丁之武  
都李本作擔下同土為妃作冢蓋地數畝高七丈應作尺上有石  
鏡今成都北角武檐是也後王悲悼作史邪歌應作龍  
歸之曲其親埋冢者皆立方石以志其墓成何本誤城都

縣內有一方折石圍可六尺長三文許去城北六十  
里曰毗橋亦有一折石亦如之長老傳言丁士檐土  
檐也公孫述時武檐石折故治中從事任文公歎曰  
噫西方智士死吾其應之歲中卒 周顯王二十二  
年蜀侯使朝秦秦惠王數以美女進蜀王感之故朝  
焉惠王知蜀王好色許嫁五女於蜀蜀遣五丁迎之  
還到梓潼見一大蛇入穴中一人攬其尾掣之不禁  
至五人相助大呼拙蛇山崩時壓殺五人及秦五女  
并將從而山分為五嶺直頂上有平石蜀王痛傷乃  
登之因命曰五婦冢山川平右上為望婦堠作思妻

臺今其山或名五丁冢 蜀王別封弟葭萌於漢中  
號苴侯命其邑曰葭萌焉苴侯與巴王為好巴與蜀  
讎故蜀王怒伐苴侯苴侯奔巴求救於秦秦惠王方  
欲謀楚羣臣議曰夫蜀西僻之國戎狄為鄰不如伐  
楚司馬錯中尉田真黃曰蜀有桀紂之亂其國富饒  
得其布帛金銀足給軍用水通于劉李本楚有巴之勁  
卒浮大船舡以東向楚楚地可得得蜀則得楚楚亡  
則天下并矣惠王曰善 周慎王五年秋秦大夫張  
儀司馬錯都尉墨等從石牛道伐蜀蜀王自於葭萌  
拒之敗績王遯走至武陽為秦軍所害其傅相及太

子退至逢鄉死於白鹿山開明氏遂亡八王蜀十二  
世冬十月蜀平司馬錯等因取苴與巴焉周赧  
王元年秦惠王封子通國為蜀侯以陳壯為相置巴  
郡以張若為蜀國守戎伯尚強乃移秦民萬家實之  
三年分巴蜀置漢中郡六年陳壯反殺蜀侯通  
國秦遣庶長甘茂張儀司馬錯復伐蜀誅陳壯七年  
封子惲為蜀侯司馬錯率巴蜀衆十萬大船工劉本  
舟作舩萬  
艘米六百萬斛浮江伐楚取商於李本  
作淞之地為黔中郡  
五年惠王二十七年儀與若城成都周迴十二里  
高七丈郫城周迴七里高六丈臨邛城周迴六里高

五丈造作下倉上皆有屋而置觀樓劉本作  
樓觀射蘭吳本  
作圃

成都縣本治赤里街若徙置少城內城營廣府舍

置鹽鐵市官并長丞脩劉李本  
作修整里闡市張列肆與

咸陽同制其築城取土去城十里因以養魚今萬歲

池是也惠王二十七年也劉李本  
作小注無也字城北又有龍渠

池城東有千李本  
課秋池城西有柳池冬夏不竭其園囿

因之平陽山亦有池澤蜀之漁畋之地也報  
作報王

十四年蜀侯惲祭山川獻饋於秦孝文王惲後母害

其寵加毒以進王王將嘗之後母曰饋

試之王與近臣近臣即斃文王大怒遣司馬錯賜劔

使自裁憚懼夫婦自殺秦誅其臣郎中令嬰等二十  
 七人蜀人葬憚郭外十五年王封其子綰為蜀侯  
 十七年聞憚無罪寬何本有死使使迎何本喪入葬之  
 郭內初則炎旱三月後又霖雨七月車溺不得行喪  
 車至城北門忽陷入地中蜀人因名北門曰咸陽門  
 為蜀侯憚劉本立祠其神有靈能興雲致雨水旱禱之  
 三十年疑蜀侯綰反王復誅之但置蜀守張若因  
 取笮何本及其江南地焉周滅後秦孝文王以李冰  
 為置何本冰能知天文地理謂汶山為天彭門乃至前  
 及應作縣見兩山對如闕因號天彭闕髣髴若見神遂

從水上立祀李本三所祭用三牲珪璧沉漬漢興數使  
 使者祭之冰乃壅江作棚穿郫江檢劉本江別支流  
 雙過郡下以行舟舡應作船劉李本岷山多梓栢大竹頽隨  
 水流坐敢劉本材李本木功省用饒又溉灌三郡開稻  
 田於是蜀沃野千里號為陸海旱則引水浸潤雨則  
 杜塞水門故記曰水旱從人不知飢劉本饑時無荒  
 年天下謂之天府也外作石犀五頭以厭水精穿石  
 犀溪於江南命曰犀牛里後轉為耕何本牛二頭一  
 在府市橋門今所謂石牛門是也二劉本在淵中乃  
 自湔何本堰上分穿羊摩江灌江西於玉女房下自涉

白涉水經注作白沙 郵作三石人立三水中與江神要水竭不至足

盛不沒肩時青衣有沫何本水出蒙山下伏行地中會

江南安觸山脇溷崖水脈漂疾破害舟工應作船劉本亦誤歷代

患之水發卒鑿平溷崖通正水道或曰水鑿崖時水

神鼎怒水乃操刀入水中與神鬪迄何本今蒙福 熒

道有故蜀王兵闌亦有神作大灘江中其崖嶮峻不

可鑿乃積薪燒之故其處懸崖有赤白五色 冰又

通笮通汶井江徑臨邛與蒙溪分水白木劉李本江會

武陽天社山下合江又導洛通山洛水或出瀑口經

什邡郫別江會新都大渡 又有綿水出紫巖山經

綿竹入洛東流過資中會江陽皆溉灌稻田膏潤稼

穡是以蜀川人稱郫繁曰膏腴綿洛為浸沃也 又

識齊水脈穿廣都鹽井諸陂池蜀於是盛有養生之

饒焉 漢祖自漢中出三秦伐楚蕭何發蜀漢米萬

工應作船劉李本亦誤而給助軍糧收其精銳以補傷疾雖王有巴

蜀南中不賓也 高祖六年始分置廣漢郡 高后

六年城夔道開青衣 孝文帝末年以盧江文翁為

蜀守穿湔江口溉灌繁田千七百頃是時世平道治

民物阜康承秦之後學校陵夷俗好文刻翁乃立學

選吏子弟就學遣雋士張叔等十八人東詣博李本作博下同



士受七經還以教李本無數字劉本亦無數字空一位授學徒鱗萃蜀學比於

齊魯巴漢亦立文學孝景帝嘉之令何本天下郡國皆

立文學因翁倡其教蜀為之始也 孝武帝皆徵入

叔為博士叔明天文灾異始作春秋章句官至侍中

揚州刺史 元光四年置蜀四部都尉 元鼎二年

立成都十八郭於是郡縣多城觀矣 六年分廣漢

置犍為郡 元封元年分犍為置牂柯李本作柯下同郡 二

年分牂柯置益州郡 六年以廣漢西部蜀南部為

越雋劉本郡李本作雋北部再置李本為汶山郡邛笮為沈黎郡合

置二十餘縣 天漢四年罷沈黎置兩部都尉一治

旄牛主何本少羌一治青衣主何本少漢民 孝宣帝地節

三年罷汶山郡置北部都尉 時又穿臨邛蒲江鹽

井二十所增置鹽鐵官 蜀自漢興至乎哀平皇德

隆熙牧守仁明宣德立教風雅英偉之士命世挺生

感於帝思于劉李本作於是璽書文馳於斜谷之南玉帛踐

劉李本作乎梁益之鄉而西秀彥盛或龍飛紫闥允陟璿

璣或盤桓利居經綸皓素故司馬相如耀文上京楊

子雲齊聖廣淵嚴劉李本作莊君平經德秉哲王子淵

才高名雋李本李仲元湛然岳林翁孺何本訓詁互劉李本作

遠何君公謨明弼諧王延世著勲河平其次楊壯何

顯得意之徒恂恂焉斯蓋華岷之靈標江漢之精華也故益州刺史王襄悅之命王褒作中和頌令胄子作鹿鳴聲歌之以上孝宣帝帝曰此盛德之事朕何以堪之即拜為郎 降及建武以後爰迄靈獻文化彌純道德彌臻趙志伯三遷台衡子柔兄弟相繼元輔司空張公宣融皇極太常仲經為天下材英廣陵太守張文紀號天下整理武陵太守杜伯特能決天下所疑王稚子震名元名震劉吳作李本並作震名華夏常茂尼流芳京尹其次張俊秦宓英辯博通李本作博劉本亦誤博董扶楊厚究知天文任定祖訓徒同風洙泗其孝悌則有姜詩感物寤

應作寤李本亦作寤

靈禽堅精動殊俗隗通石橫

劉李本作橫

中流吳順赤

鳥來巢其忠貞則王皓隕身不傾

李本作傾

朱遵絆馬必死

王累懸頸州門張任守節故主其淑媛則有元常紀常程玦及吳几應作幾先絡郛之二姚殷氏兩女趙公夫

人自時厥後龍宗有鱗鳳集有翼搢紳郤右之疇比肩而進世載其美是以四方述作有志者莫不仰其

高風範其儀則擅名八區為世師表矣其忠臣孝子列劉吳何李本作烈士貞女不勝詠述雖魯之詠洙泗齊之禮褱

劉吳何李本並作褱

下未足尚也故漢徵八士蜀有四焉然秦惠文

始皇克定六國輒徙其豪俠於蜀資我豐本本誤豐下同土家

有鹽銅之利戶專山川之材居給人足以富相尚故  
工商致結駟連騎豪族服王侯美衣娶嫁設太李本牢  
之厨饍婦女有百兩之徒車送葬必高墳瓦椁祭奠  
而羊豕夕牲贈應作贈劉吳何李本亦作贈祿兼加贈賻過禮此其所失  
原其由來染秦化故也若卓王孫家僮千數程鄭各  
八百人而郗公從禽巷無行人簫鼓歌吹擊鐘肆懸  
富侔公室豪過田文漢家食貨以為稱首蓋亦地沃  
土豐奢侈不期而至也蜀郡州治屬縣五戶漢二  
十七萬晉六萬五千去洛三千一百二十里東接廣  
漢北接汶山西接漢嘉犍為州治大城郡治少

城西南兩江有七橋直西門耶江中沖治橋何本有小注治按水經注沖治

作沖西南石牛門曰市橋下石犀所潛淵中也城南曰

江橋南渡流曰萬里橋西上曰夷里橋上曰劉李本笮

橋橋從沖治橋西出折李本作折曰長昇橋耶江上西有永

平橋長老傳言李冰造七橋上應七星故世祖謂吳

漢曰安軍置吳何本作宜在七星間城北十里有昇仙橋有

送客觀司馬相如初人長安題市門曰不乘赤車駟

馬不過汝下也其耶西上有永平橋於是江泉多作

橋故蜀立里多以橋為名其大江自前堰下至犍

尾有五津始曰白華津二曰里津三曰江首津四曰

涉

劉本李本  
作步作沙頭津

此下劉共何  
李本無空位

劉璋時名東州民居此改曰

東州頭五曰江南津入捷為何本脫有漢安橋王津東

沮津津亦七始文翁立文學精舍講堂作石室一

作玉室在城南永初後堂遇火太守陳留高昞李本作  
昞下同

更修立又增造二石室州奪郡文學為州學郡更於

夷里橋南岸道東邊起文學有女牆其道西城故錦

官也錦江織錦濯其中則鮮明濯他李本作池  
惠按改他江則不好

故命曰錦里也西又有車官城其城東西南北皆

有軍營壘城其郡四出大道道實二十里有衢今言

十八里者昔蜀王女未嫁年二十七王哀悼不忍言

二十故言十八也王女墓在城北今王女陌是也

其太守著德垂績者前漢莫聞建武以來有第五倫

廉范叔度特垂惠愛百姓歌之曰廉叔度來何暮來

時我單衣去時重五袴其後漢中趙瑤自扶風太守

來之郡司空張溫謂曰第五伯魚從蜀郡為司空今

掃吾劉李本  
作五第以待足下瑤換何本  
作冀廣漢陳留高昞亦播

文教大劉李本  
作太尉趙公初為九卿適子甯還蜀昞命為

文學撰鄉俗記亦能屈士如此廣漢王商捷為楊洪

皆見詠懷及晉建西夷府太守多遷為西夷校尉

亦遷益州刺史

成都縣郡治有十二鄉五部尉漢戶七萬晉三萬七  
 千名難治時廣漢馮顥為令而太守京兆劉宣不奉  
 法免何本顥奏之立文學學徒八百人實戶口萬八千  
 開稻田百頃治有何本尤異後有廣漢劉厖李本作為令  
 大姓恣縱諸趙倚公故多犯法濮陽太守趙子真父  
 子強橫劉李本厖治其罪莫不震肅郡民陽伯侯奢侈  
 大劉李本起塚營因厖為郡令伯侯遂徙占成都厖復  
 為成都豪右敬服有蜀侯祠四何本姓有柳杜張趙  
 郭楊氏吳何本富先有程鄭郗公後有郭子平奢豪  
 楊伯侯兄弟

郫縣郡西北六十里冠冕大姓何羅郭氏

繁縣郡北九十里有泉水稻田三張為甲族

江原縣郡西渡大江濱文井江去郡一百二十里有

青城山稱江祠

安漢上下朱邑出好麻黃潤細布有羌筒李本盛小亭

有好稻田東方常氏為大姓文井上有守捉三十

里土何本有天馬祠

臨邛縣郡西南二百里本有邛民秦始皇從劉李本上

郡實之有布濮水從布濮來合火井江有火井夜時

光映上昭民欲其火光應作以家火投之頃李本許如雷

聲

與蜀都賦注同博物志  
作入於家火即滅訖

火焰出通耀數十里以竹筒盛其光

藏之可拽行終日不滅也并有二水取井火煮之一

斛水得五斗鹽家火煮之得無幾也有古石山有石

鑛大如蒜子火燒合之成流支鐵甚剛因置鐵官有

鐵祖廟祠漢文帝時以鐵銅賜侍郎鄧通通假民卓

王孫歲取千疋故王孫貨累巨萬億鄧通錢亦盡天

下王孫女文君能鼓琴時有司馬長卿者臨邛令王

吉與之遊王孫家文君因奔長卿漢世縣民陳立

歷巴郡梓柯李本作柯天水太守有異政陳氏劉氏為大姓

冠蓋也西北六十里

廣都縣郡西三十里元朔二年置有鹽井漁田之饒

大豪馮氏有魚池鹽井縣只有小井十數所及漁何本

田應作井之饒江有魯劉李本作魚漕梁山有鐵鑛江西有安稻

田穿山崖過水二十里漢時縣民朱辰字元燕為

巴郡太守甚著德惠辰卒官郡獯民北送及墓獯蚤

鼓刀辟踊感動路人於是葬所草木頃許皆做之曲

折迄今蜀人莫不歎辰之德靈為之感應今朱氏為

首族也

成都市官本有長建武十八年省

蜀郡太康初屬王國改號曰成都內史王改封乃復

華陽國志 卷三

舊

廣漢郡高帝六年置屬縣八漢戶十七萬晉四萬去  
洛三千里南去成都百二十里西接汶山北接梓潼  
東接巴郡本治繩鄉安帝永和中陰平漢中羌反元  
初二年移涪後治雒城王莽改曰就劉李本都公孫述  
名曰子同 益州以蜀郡廣漢犍為三蜀土地沃美  
人士李本俊人為一州稱望然漢選蜀郡廣漢太守每  
重德劉李本高俊故前有趙護第五伯魚後有蔡陳表  
章禮物殊於諸郡其太守著功德者有劉感孫賓蔡  
陳寵伯魚自郡徑遷司徒寵亦至三公而後諷尹劉李本

字睦鮮于定趙瑤皆公望也薛鴻輩卿佐也而許靖

亦為上公及何祗常閤李本皆有稱此下何本空以處州中

益州恒治此郡初平中益州牧劉焉自綿竹移雒縣

城築闕門云其地不王乃留孫修據之 建安十八

年劉先主自涪攻圍且一年軍師龐統中流矢死先

主痛惜言則涕泣廣漢太守南陽張存曰統雖可惜

違大雅之體先主怒曰統殺身成仁非仁者乎即免

存官十九年拔何本雒城作襄陽馬良書劉李本誤詔

諸葛亮曰承雒城何本已下尊兄配業先應作國魄兆見

矣時州或治成都時復治雒為蜀淵府

雒縣郡治汎鄉 有孝子姜詩田地宅姓族有鐔李

郭翟氏

綿竹縣劉焉初所治綿與雒各出稻稼畝收三十斛

有至十五斛漢時任安定祖以儒學教號侔洙泗有

多士秦杜為首族也

什邡縣山出好茶楊氏為大姓美田有鹽井

新都縣蜀以成何本都廣都新都為三都號名城有金

堂山水通於劉本巴漢時五倉名萬安倉有棗魚梁多

名士有楊厚董扶又有四姓馬史汝鄭者也

五城縣郡東南有水通于李本作巴漢時置五倉發五

縣民尉部主之後因以為縣出龍骨云龍升其山值

天門閉不達墮死于劉本此後沒地中故掘取得龍骨

郵縣有山原田富國鹽井濮出好棗宜君山出麋應作

尾特好入貢大姓王李氏又有高馬家世常部曲蜀

時高勝馬泰皆叛伏誅

廣漢縣有山原田蜀時彭義有劉李本雋才晉世改號

令德故二姓為甲族也

德陽縣有青石祠山原肥沃有澤漁之利士女貞孝

望山樂水土地易為生事車騎將軍鄧芝雅有終焉

之思後遂葬其山太守夏侯慕時古濮為功曹康古



袁氏為四姓大族之甲者也

劉氏延熙中分廣漢四縣置東廣漢郡成熙初省秦始末又分置新都郡太康省末年又置蜀王國蜀郡常騫為內史永嘉末省

犍為郡孝武建元六年置時治犍縣十二漢戶十萬

李本書頭有  
注云犍音攷

故犍為地是也犍有犍山見保乾國

本件

武帝初欲開南中令蜀通犍青衣道是元年犍道

令通之費功無成百姓愁怨司馬相如諷諭之使者唐蒙將南入以道不通執令將斬之令歎曰忝官益土恨不見成都市蒙即令送成都市而殺之蒙乃斬

石通閣道故世為諺曰思都郡斬令頭云後蒙為都

尉治南夷道 元光五年郡移治南廣 四年益州

刺史任安城武陽 孝昭元年郡治犍道後遂徙武

陽至晉屬縣五戶二萬去洛三千二百七十里東接

江陽南接朱提北接蜀郡西接廣漢王喬升其北山

彭祖家其彭蒙白虎仁於廣德寶鼎見於江溉

劉李本  
作流

和五年又上寶磬十六劉向以為美化所

降用立辟雍而士多仁孝女性貞專王莽改曰西順

郡人不會更始都南陽遠奉貢職及公孫述有蜀郡

拒守述伐之郡功曹朱遵逆戰眾寡不敵遵絆馬死

戰遂為述所并而任君業閉戶費貽素隱光武帝嘉之曰士大夫之郡也郡去成都百五十里渡大江晉人作大橋曰漢安橋廣一里半每秋夏水盛斷絕歲歲修李本理百姓苦之 建安二十一年太守南陽李嚴乃鑿天社山尋江通車道省橋梁三津吏民悅之嚴因更造起府寺觀壯麗為一州勝宇 二十四年黃龍見武陽赤水九日蜀以劉氏瑞應其太守漢興以來鮮有顯者

武陽縣郡治有王喬彭祖祠蒲江大堰灌郡下六門有朱遵祠山出鐵及白玉特多大姓有七陽五李諸

姓十二也

南安縣郡東四百里治青衣江會縣既有名灘一曰雷垣二曰鹽概李冰所平也有柑橘官社漢有鹽井南安武陽皆出名茶多陂池西有熊耳南有峨眉山山去縣八十劉本里孔子地圖言有仙藥漢武帝遣使者祭之欲致其藥不能得有四姓能宣謝審五大族楊費又有信士呂孟貞紀至行也

犍道縣在南安東四百里拒郡百里高后六年城之治馬湖江會水通越雋後漢志注引此有舊守本有犍人故秦紀言犍童之富漢民多漸斥徙之有荔支董苒濱江有兵

欄何本有小注云後漢書注引李冰所何本少燒之崖有五色赤白

映水元黃魚從楚來至此何本此而止畏崖映水也有

韓原素祠又有孝子隗通為母劉本誤汲江裔水天為

出平石生江中今石在馬湖江而孝子吳順養母赤

烏巢其門崩容江出好磨石崩江多魚害何本少民失

在於傷巫好鬼妖大姓吳隗又有楚石薛相者

牛鞞縣受新都江去郡三百里元鼎二年置相陽明

鹽井程韓氏為冠蓋之族此下劉吳何李資中縣受牛鞞江

也先有王延世資中著勲河平後有董鈞資中為漢定禮

王延世董鈞張皓趙廣為四族二縣在中多山田少種

和之地

江陽郡此下何本本犍為枝江都尉建安十八年置郡漢

安程徵石謙白州牧劉璋求立郡璋聽之以都尉廣

漢成存為太守屬縣四戶五千去洛四千八十里東

接巴郡南接牂柯李本西接廣漢劉李本無犍為此接廣漢

有荔枝巴菽桃枝菊給橙俗好文刻少儒學多樸野

蓋天性也

江陽縣郡治江維會有方山蘭祠江中有大關小關

季春黃龍堆沒關即平昔云世祖微時過江陽有一

子望氣者曰江陽有貴鬼氣王莽求之縣人殺之後

世祖為子立祠謫江陽民不使冠帶者數世有富義  
鹽井又郡下百二十里者曰伯塗魚梁六伯氏女為  
塗氏婦造此何本無梁四姓王孫程鄭八族又有魏趙  
先周也李本小注在上段高朝是本江陽縣云云據上段為一故置小注于又有趙  
魏先周也向十符葛文已載統統滿給橙字與上文也志序所稱果蔓名大  
同小異劉吳  
何本與此同  
漢安縣郡東五百里土地雖迫山水特美好宜蠶桑  
有鹽井魚池以百數家家有馬一郡豐沃四姓程石  
姚郭八族張季李趙輩而程石傑立郡常秉議論選  
符縣郡東二百里元鼎二年置治安樂水會東接巴

蜀樂城南水通平羌覽縣永建元年十二月縣長趙  
祉遣吏先尼和拜檄巴蜀守過成瑞灘死子賢求喪  
不得女終年二十五迺分金珠作二錦囊繫兒頭下  
至二年二月十五日女絡劉本乃乘小船劉李本至父沒  
所哀哭自沉見夢告賢曰至二李本十一日與父尸何本  
俱出至日父子浮出縣言郡太守蕭登高之上尚書  
遣戶曹掾為之立碑人為語曰符有先絡棘道張士女  
無張帛求其夫何本天下無有其偶者矣何本有小注云按棘道黃  
帛張貞妻也沈身求貞事  
頗類此  
語乃云  
新樂縣郡西二百八十里元康五年置西楚棘道有

鹽井大姓魏呂氏

西楚魏道四年無漢李本  
小注在書補本無此注

汶山郡本蜀何本郡北部丹駝都尉孝武元封四年置

舊屬縣八戶二十五萬去洛三千四百六十三里東

接蜀李本郡南接漢嘉西接梁當作涼劉吳何州酒泉北接陰

平有六夷羌胡羌虜白蘭蝮九種之戎牛馬旄氊班

劉吳何李本作蜀青頓本作羌本作之屬特多雜藥名香

土地剛鹵不宜五穀惟種麥而多冰寒盛夏凝凍不

釋故夷人冬則避寒入蜀庸李本賃自食夏則避暑反

落歲以為常故蜀人謂之作五百石子也 宣帝地

節元年武都白馬羌反使者劉吳何李本駱武平之因拜越

嵩太守迎者如雲後蜀郡趙溫亦著治績故王莽遣

任貴為鎮戍大尹守之 自建武後數叛 章武三

年越嵩叟大帥何本高定元稱王恣睢遣都督李承之

煞亦作將軍梓潼焦璜破沒郡土丞相亮遣越嵩太守

龔祿住安上縣遙領太守安上去郡八百里有名而

已 建興三年蜀安南將軍馬忠率越嵩郡夷郡夷

剛狼何本皆鴟視忠率越嵩太守張嶷將所領之郡誘

殺蘓祈李本邑君冬逢劉吳何及其弟隗渠等懷集種落

威信允著諸種漸服又斬斯都耆帥何本李承之首乃

手殺焦璜龔祿者也又討叛鄙降夷人安種落蠻

何本誤及

夷率服疑始李本作故以郡郭宇李本作于顏更築小塢居之

舊本紀此段訛舛不可重敘姑李本作常考事之本末畧

加整頓刻之

李本此注在書頭劉李本作記  
劉吳何本亦有此注似呂氏語

延熙二年乃還舊郡更城郡城夷女男女莫不致力

興復七縣疑遷復後頗奸軌何本作究雖有四部斯兒及七

營軍不足固守乃置赤甲北軍二牙門及斯兒督軍

中堅衛夷徽

此下劉李本  
接寫不擬行

邛都縣郡治因邛邑名也邛之初有七部後為七部

營軍又有四部斯兒南山出銅有溫泉穴冬夏熱其

温可湯鷄豚下流治疾病餘多惡水水神護之不可

汚穢及沉亂髮照面

元本作四古面字  
也吳何本誤回

則使人被惡疫一郡通

云然

臺登縣有孫水一曰白沙江入馬湖水山有磐石火

燒成鐵剛利禹貢厥賦矧是也又有漆漢末夷皆有

之疑取焉

疑張疑也劉本無也字李  
本小注在書頭亦無也字

闡縣故邛人邑

李本作也

邛都接寒關今省

蘓示縣漢末夷王及弟隗渠數僭

劉李本作背  
吳何本作借

叛以服諸

種張疑先殺王弟隗渠又叛遁入西徼遣親信二人

使疑疑知奸計以重賂使使殺渠渠死夷徼肅清縣

晉省

會無縣路通寧州渡瀘得住狼縣故濮人邑也今有

濮人家李本作家又無下家字冢不閉元誤開後漢志注引作閉戶其穴多有碧珠人

不可取取之不祥有夫後漢志注引作元下同馬河馬日千里後死

于劉李本作於蜀葬江原小亭今天馬冢是也縣有天馬祠

初民家馬牧山下或產駿駒云天馬子也今其天馬

徑厥迹存焉河中有銅胎何本作船後漢志注亦作胎今疑脫以羊祀之可取

河中見存土地時產犀牛山色青碧何本有小注云後漢書注引本志曰元馬

大笨前後漢書作笨縣漢末省也劉李本無也字

定符前後漢書作符縣符笨夷也汶李本誤作夷金校改汶山曰夷南中曰昆

明漢嘉越嵩曰符蜀曰邛皆夷種也縣在郡西渡瀘

水賓剛微白摩沙夷有鹽池積薪以齊水灌而後焚之成鹽漢末夷皆錮之張嶷往爭夷帥岑槃木明不肯服嶷擒捷煞之厚賞賜餘類皆安官迄有之北沙河是

三縫縣一曰小會無音三播音三播字疑誤劉本作音三播縫音播通道寧州渡

瀘得蜻李本誤蜻蛉縣有長谷石劉李本作古時坪何本作平中有石緒子

母劉本誤母數千頭長老傳言夷昔牧緒於此一朝緒化為

石迄今夷不敢牧何本作往牧於此

卑水縣去郡三百里水流通馬湖

潛劉吳何李本作潛漢志作瀾街縣漢末置晉初省

安上縣 馬湖縣水通楚道入江晉初省劉李本無初字

右益州漢初統郡五後漸分建蜀郡及巴郡又分為

五郡廣漢漢中捷為為四郡又開益州五郡合二十五

郡及何本寧州梁州建復增七郡蜀於是有州四本作十

二郡一百九十六縣何本空位有州字州分為益州凡新舊郡

凡縣四十八戶夷晉二十四萬

讚曰蜀之為邦天文井絡輝其上地理岷嶓鎮其域

五岳華山表其陽四瀆則汶江出其微故上聖則大

禹生其鄉媾姻則黃帝婚其女顯族大賢彭祖育其

山列仙王喬升其岡而寶鼎輝光于劉本中流離何本龍

仁虎躍乎淵陵開闢及漢國富民殷府腐穀帛家蘊

畜積雅頌之聲充塞天衢中李本穆之詠侔劉本二南蕃

衍三州土廣萬里方之九區於斯為盛固乾坤之靈

園先王之所經緯也



同治四年  
正月三日  
青林山

青林山  
之山神廟  
重修碑記



